

**Hunta di comisario di WEB
 y accionista a informa
 cu a yega na acuerdo di
 terminacion di trabao cu
 Luis Oduber y
 Randolph Ruiz**

Laty Wever lo bira director temporal
 y lo wordo asisti pa Leo Roberto



Piensa el ladron que todo son de su condicion??

**E unico meta di Eagle LNG-gas ta pa termina
 e wega di casino den WEB cu hedging**

Y duna pueblo prijs di coriente stabiel y mas barata

**Mientras Patrick ta hunga
 "yo no fui".....**

Su ruman homber, ex-
 polis, a wordo
 sentencia dor di
 huez, pero nunca
 a sinta castigo di
 prison

Ministerio Publico
 mester splica: Ta kico



**Chauffeur a bolter cu su
 auto ariba caminda di
 tera na Shiribana**



AruBIG ta cuminsa awe 2 di augustus

Departamento di Salud Publico (DVG) ta anuncia cu entrante awe dialuna 2 di augustus 2021 tur dokter, boticario, dentista, partera y fisioterapista tin 3 luna di tempo pa aplica pa wordo inscribi den e registro di AruBIG.

E ultimo dia pa haci esaki ta 15 di november 2021.

Despues di e fecha aki lo cuminsa controla

pa incumplimiento.

Pa aplica, simplemente bishita www.dvg.aw y click riba AruBIG pa mas informacion riba tur e rekesitonan y pa yena e formulario digital. Tur informacion na papiamento ta visibel riba e website bou di noticia/nieuws item y riba e pagina di AruBIG esakinan ta na Hulandes como ta trata un procedura

legal.

Pa yena e formulario digital e aplicante mester scan tur diploma, paspoort, CV, y otro documentonan pa upload esakinan prome cu por finalisa e formulario digital. Por bishita tambe directamente e pagina di AruBIG cu ta www.dvg.aw/arubig

Departamento di Aduana ta lansa modulo nobo den Asycuda World



- Den e cuadro di modernisacion, Departamento di Aduana ta introduci un modulo nobo den Asycuda World, esta e Query Lane. E lansamento oficial di e Query Lane ta dialuna dia 2 di augustus 2021.

E Query Lane ta significa cu Douane no por haci coreccion riba declaracionan den

Asycuda World mas. Cu e introduccion di e Query Lane esaki lo keda den man di e declarant/broker.

Pa tene tur declarant/broker bon informa, e seccion di ATRI a tene un session informativo cu tur declaranten/brokers

di Departamento di Aduana. E manual di modulo aki ta accesibel riba e Asycuda World portal.

Un gradicimento ta bay pa ful e team di Asycuda.

THE SALON Aruba ta yama Bon Bini na e team di beyeza IVINNIA GEERMAN

Nos tin e grato placer di introduci cu boso tur y henter e comunidad di Aruba e integrante nobo di e gran famia di #TheSalonAruba. Ivinnia ta un especialista cu más di 13 aña di experiencia den e mundo di huñan logrando asina diferente título nan y certificado nan den e profesion aki.

Desarrollando un amplio conocimiento den Tendencia nan nobo y tendencia nan internacional, Ivinnia un experto cu facilidad di comunicashon cu ta papia

4 idioma (Papiamento, inglés, español y hulandes) ta kla pa haci bo sinti na cas y satisfecho cu cada bishita na su localidad nobo na #TheSalonAruba.

Especialista den e área di: fullset sculpture gel y acrylic. regular manicure , gelcolor Manicure, dipping powder, pedicure diseño y hopi más. #manicurist #nailartist #thesalonnails #nailsdesign #TheSalonAruba #thesalonteam #newmember



Refresca Memoria:

Nelson Andrade a wordo sentencia pa huez pa ladron di radio di polis

El'a haya castigo pa haci trabao pa comunidad... El'a cumpli ?

Na varios ocacion, Nelson Andrade, ta boca yen, yamando otro hende pa ladron. Un ves tras di otro e ta keda lastra tur hende na su antoho, basa riba mentira!

Su fanatismo politico, su lembemento tras di Mike Eman no conoce fin, pasobra den gobierno di Mike Eman, ta tur siman e tabata den avion ta keiro cu Eman.

Tur esaki a wordo paga via Tera Group cu tabata cobra pa tur e viahenan aki y dje forma ey tabata cumpra un cantidad di ticket na Nautilus Travel.

Sinembargo ora cu e ta yama tur otro hende pa ladron; ta bon pa recorde cu su mes ta un ladron, sentencia dor di huez, haya culpabel di a horta radio di polis.

E sentencia di huez ta clarito: Marko Spinoza a confesa na landsrecherche, den interrogacion # 4, cu e tabatin e radio di polis for di un polis. Spinoza a sigui declara cu el'a wordo yama dor di Nelson Andrade, pe bay entrega e radio bek cerca tal polis.

Spinoza a wordo confronta den corte dor di Huez y Spinoza a para riba cu loke el'a declara ta berdad.

Dje forma aki, huez a haya suficientemente proba, cu Nelson Andrade, tabata e cabesante di e robo aki y a wordo sentencia y mester haci trabao pa comunidad.

E trabao di su 200



horanan a wordo ehecuta? Of e tambe ta pendiente ainda?

Pues, si tin un persona

cu a sinta dilanti un huez penal, ta Nelson Andrade. E mester tin berguenza pa yama otro hende pa ladron, siendo

e mes ta un ladron sentencia pa huez. Attachments area

Resumen pa awe di casonan di COVID-19 na Aruba

- 2 augustus 2021. Segun resumen di awe 31 persona a recupera y un total di 42 caso nobo di COVID-19 a keda registra cual 3 ta turista y 39 ta residente. E cifranan aki ta representa un 'Positivity rate' bou di nos residentenan di 29%. Cantidad di casonan activo di COVID-19 pa awe ta 489 y cantidad di fayecidonan relaciona cu COVID-19 ta aumenta na 111 cu fayecimento di un residente.

Datos ta ilustra subida continuo di casonan nobo cu un average semanal di 57 caso pa dia y un average di 'positivity rate' semanal di 26% pa dia.

Hospital tin 17 persona interna di cual 4 ta den ICU y riba piso general tin 13 persona interna.

ULTIMO INFORMACION

Casonan di Corona Virus na Aruba 2 di Augustus 2021

2/8/2021	TOTAL	RESIDENTE	NO-RESIDENTE
Casonan Nobo	42	39	3
Activo	489	398	91
Recupera	11207	10227	980
Positivo	11807	10734	1073
Morto	111	109	2

Accidente cu hende herida entre Jeep Wrangler y Hyundai Getz



Savaneta - Diadomingo marduga den careda di 3'or polis a wordo informa di un accidente cu hende herida na Savaneta. Pa ta exacto net dilanti Wintergarden supermarket.

Na yegada di patruya nan a pidi pa cera parti pariba di e caminda unda antes tawata Domino's Pizza. E motibo tawata cu un di e vehiculonan tawata ariba caminda.

Tawata trata di un Jeep Wrangler y un Hyundai Getz. Chauffeur di e Getz a resulta herida y pa e motibo aki polis a pidi pa Ambulance.

Por a mira cu e Jeep a wordo gedalden su banda drechi door di e Getz, door di e impacto e Jeep a bay dal contra cura di un cas kibrando esaki.

E Hyundai Getz a keda completamente destrui parti dilanti. Segun informacion no oficial, e Hyundai Getz lo no tawata tin su luznan cendi momento cu e Jeep a bay bira. Pues probablemente chauffeur di e Jeep lo no a mira e Getz biniendo.

Paramediconan cu a yega na e sitio bay duna asistencia na chauffeur di e Hyundai Getz.

Local comercial ta huur na Sta cruz



Pa info 7390101

Mientras Patrick ta hunga "yo no fui"..... Su ruman homber, ex-polis, a wordo sentencia dor di huez, pero nunca a sinta castigo di prison

Ministerio Publico mester splica: Ta kico esaki ta?

ur dia, Patrick Paskel ta bati boca riba tur hende, aparentando di ta un santo. Si tin un persona cu a corona, manera e mes a usa e palabra, ta su persona.

Den Gobierno di Mike Eman, Patrick Paskel tur dia ta corona cu su trabaonan di mercadeo ficticio, unda miles y miyones di florin a wordo cobra, den loke nos ta yama un estafa grandi cu a tuma lugar, sigur den RDA, LOTTO y demas oficinanan di Minister.

Poco dia pasa nos a publica un prueba, unda cu pa un solo dinner cu el'a organisa pa Lotto, el'a cobra 25 mil florin.

Di esaki e no ta papia y no kier papia. E no kier duna cuenta, pasobra mas cu claro, den e cobransanan aki, e sumanan ta asina infla, asina falso, unda nan a comete un estafa tras di otro.

Den RDA a pasa igual, unda cu sin ningun contract, solamenta via

di e-mail, el'a logra di cobra casi 1 miyon florin, cual recibonan tambe ta wordo sospecha cu tur ta falso.

Sinembargo, ora cu Patrick ta papia di ruman y ta menciona Edmond Croes su nomber, ta bon pa recorde cu e tin un ruman homber, ex-polis, Ronald Paskel, cu a wordo sentencia dor di huez di a actua incorrecto, den uniform di polis, ora cu el'a' drenta cas di hende, sin autorisacion di fiscal y ocasiona un maltrato na e famia encuestion.

Huez a haye culpabel y a sentencia e sinta castigo di prison. Pa straño cu e por sona, Ronald Paskel, segun informacion cu nos a obtene, nunca a wordo busca pa sinta su castigo.

Cu otro palabra, e ta un persona privilegia? Pasobra ta ruman di Patrick Paskel?

Nos ta spera cu Ministerio Publico lo por contesta riba e asunto aki!



Dokter di cas

Pa tur pashent inscribi cerca e dokternan di cas Pieterse:

A) Pashentnan di dokter Pieterse-Clements, Marjorie ta haya servicio door di yama pa haci afspraak na e number di telefon 5857521, adres Caya Ernesto Petronia 74. Den caso di (suma) emergencia, ta yama e number di emergencia 5628186.

Oficialmente esaki ta e oficina di dokter Aurystella Wever, sinembargo dokter Aurystella Wever lo atende su mesun pashentnan y un otro dokter di cas lo duna servicio medico na e grupo di pashentnan di dokter Pieterse-Clements, Marjorie.

B) Pashentnan di dokter Pieterse, Huub ta haya servicio medico door di yama pa haci afspraak na e number di telefon 5660266, adres Katoenstraat 11. Den caso di (suma) emergencia, ta yama e number di emergencia 5660260.

Oficialmente esaki ta e oficina di dokter P. Tjon-Kon-Sang. E prome siman di augustus dokter P. Tjon-Kon-Sang y dokter B. Britt-Croes lo atende e pashentnan. Entrante dia 9 di augustus un otro dokter di cas lo duna servicio na e grupo di pashentnan di dokter Pieterse, Huub.

Entrante 1 di oktober e plan ta pa tur pashent haya servicio medico via HOED (Huisartsen Onder Een Dak / Dokternan Di Cas Bou Di Un Dak) den vecindario di Dokter Horacio Oduber Hospitaal.

Rumbastraat 21, Oranjestad info@uoazv.aw www.azv.aw



Utilities ta aclara: Randolph Ruiz y Luis Oduber a tuma nan retiro y a wordo paga pa bay

Dialuna atardi Utilities NV a aclara varios pregunta cu a bin dilanti. Entre otro nan ta splica cu e dos directornan mes a tuma nan retiro y dje forma ey nan a wordo paga pa nan bay.

Segun Utilities, ta abogadonan di Randolph Ruiz y Luis Oduber a acerca team legal pa por yega na un terminación. Pues nan ta tuma nan retiro y paga nan pa nan bai.

Tambe ta asina cu abogadonan di Ruiz y Oduber a pidi pa un NDA. Non-disclosure Agreement. Pues akinan ningun Partido mag duna informacion riba e

arreglo di terminación.

Alaves ta informa cu Sr. Serapio Wever a wordo apunta pa temporalmente pa asumi e manejo na WEB. Esaki te ora cu tin director. Utilities Aruba N.V. ta esun cu ta tene un open solicitatie procedure y ta firma un contract cu e director nobo. Esaki ta determina den statuut. E procedura lo cuminsa pronto. Manera cu nos tin operation di web bon regla. Ta bin acerca cu lo tin solamente un directeur. Pues no lo tin un director financiero mas. Algo cu nunca no a funciona den WEB.



Den Gold Coast polis a logra localiza e auto cora cu a ranca e palo di lus na e rotonde banda di Amsterdam Manor



Dialuna madruga a drenta informe di cu un auto a pasa dal un palo di lus na e rotonde banda di Amsterdam Manor y a sigui core bay, mesora a dirigi un patruya na e sitio. Na

yegada di e patruya a bin constata cu e palo di lus a ser ranca y e vehiculo a sigui core bay ta trata aki di un auto cora. Polis mesora a



cuminsa cu un investigacion.

UPDATE mas den ora di madruga polis a logra topa cu e auto para den Gold Coast.

Wardacosta ta yuda barko di bela 'Skagen Primero'



iasabra anochi e barko di bela 'Skagen Primero' cu tawata nabegando di Panama pa Trinidad & Tobago ku dos persona na bordo a yega Aruba pa refuel pa nan por sigui nan ruta. Pa motibo di biento duru riba ruta nan mester a nabega riba nan motor cual a pone ku nan fuel a baha hopi abou. Pesey e personanan a tuma contacto ku Aruba pa por refuel nan barko pa nan por

sigui pa Trinidad y Tobago.

Na momento ku nan a yega Aruba nan a haya permiso di Aruba Port Authority pa por ankra na Nikki Beach bou di guia di Wardacosta pa warda eynan pa haya fuel. Den oranan di ayera mainta Wardacosta a haya notificacion ku e barko di bela lo a los for di

anker y bai pega riba rif di oost na entrada di Paardenbaai. Na yegada di e patruya di Wardacosta mester a bringa bastante pa por a logra los nan for di riba rif. Despues di a logra kita nan, Wardacosta a guia 'Skagen Primero' pa Barcadera pa nan hasi 'inklaring' serka Aduana. Despues e personanan por a refuel pa por a sigui nan ruta pa Trinidad y Tobago.

Minister Besaril a despedi di e prome grupo di studiante pa Hulanda

Den Haag – Minister Plenipotenciario Guillfred Besaril hunto cu Minister di Enseñansa a.i. Glenbert Croes y directora di Departamente di Enseñansa Annemarie Proveyer-De Groot, tabata na aeropuerto Reina Beatrix awe 1 di augustus pa despedi di e prome grupo di studiante cu a sali pa Hulanda pa sigi nan estudio avansa.

Minister Besaril a bisa di ta orguyoso riba e trabaonan cu Arubahuis a bai ta haci pa ricibi nos studiantenan. E team di Arubahuis, e mentornan y miembronan di e POC ta bon prepara pa ricibi e studiantenan y duna nan guia nesario e prome dianan pa facilita den nan estadia y asina nan por cuminsa cu nan estudio.

Nota pa redacion: E potret ta cortesía di Cas di Aruba



Premier Evelyn Wever - Croes:

PRESENTACION DI 2 BUKI DI SR. EARNEY LASTEN

“Aruba tin un hoy a di documentonan di nos historia y awo e ta na nos pa duna esaki bida”



Den fin di siman Prome Minister Evelyn Wever - Croes a presencia e presentacion di dos buki di sr. Earney Lasten. E presentacion aki a tuma luga na Hoffi Shon Shoco den Parke Arikok.

“A methodology for planning and designing staged-authentic heritage attractions in small island nations” y e buki “Orua to Aruba: an island story 1300-2000” ta basa riba nos historia y con pa converti esaki den un atraccion turistico. E estudio pa traha riba e documentacionnan a tuma 5 aña y ta consisti di informacionnan hopi interesante pa cual Premier Wever - Croes a keda hopi impresiona.

“E bukinan ta laga nos cu herment pa practica y crea di esaki un desaroyo economico a traves di atraccion turistico na nos pais caminda cu turistanan na Aruba por siña conoce kico nos

historia ta”.

Prome Minister a duna di conoce cu for di e presentacion di e bukinan el a ricibi hopi informacion di cosnan cu e mes no tabata sa di nos historia, pues cu ta muestra cu semper bo tin espacio pa siña mas. E bukinan ta bon pa nos mes como ciudadano, pero tambe un bunita detaye como regalo na turista y bishitantenan di exterior, pasobra nan ta contene Aruba su historia y esaki sigur ta di hopi balor.

“Mi ta gradici sr. Lasten pa e trabou y esfuerso grandi pa traha un documentacion asina amplio riba historia di nos pais y pa laga nos cu un hoy a di documentonan y awo e ta na nos pa duna esaki bida. Pabien cu e dos bukinan aki”, Prome Minister a expresa.



Prome Minsiter Evelyn Wever-Croes:

REUNIONNAN CU STAKEHOLDERS EN CONEXION CU FORMACION DI GABINETE WEVER-CROES II

E areanan cu a wordo cubri ta Enseñansa, Cultura y Religion A PONE ENFASIS RIBA ENSEÑANSA



Dialuna 2 di augustus a sigui e reunionnan cu stakeholders cu formador Evelyn Wever-Croes en conexion cu formacion di Gabinete Wever-Croes. A trata e temanan di Enseñansa, Cultura y Religion y participa SPCOA, Directie Onderwijs, Scol Soeur Juliette (antes Emma School), Scol Paso Pa Futuro, Unoca y Clero Catolico.

Manera ya e bira costumber, dialuna tambe, despues di e reunionnan, cada persona encarga a duna nan declaracion na prensa di e reunionnan cu a tuma luga y tambe a haya y contesta preguntanan cu tawata al caso y preguntanan adicional di prensa. E personanan cu a duna declaracion ta: Sr Randall Croes di SPCOA; Sra Ana Maria Proveyer di Directie Onderwijs; Jocelyn Jacobs di Scol Soeur Juliette; Doris Franken di Scol Paso Pa Futuro; Sra Rayenne Hernandez di Unoca;

Pastor Andres Macovic, Clero Catolico.

Despues di reunionnan Prome Minister Evelyn Wever-Croes a duna un resumen di loke a wordo treci den e reunionnan. Prome Minister a expresa cu principalmente a concentra riba enseñansa.

E Scolnan Protestant na Aruba, (SPCOA) Directie Onderwijs, Scol Soeur Juliette, Scol Paso Pa Futuro y den cierto sentido Clero Catolico pa e parti di SKOA, a enfatisa cu e importante ta pa e alumno por ta central den tur decision y e docente mester haya sosten necesario pa por pone e alumno central. Y gobierno tin su compromiso pa trece tranquilidad den enseñansa. Esaki ta loke tur a pidi tambe.

“Ta importante pa traha riba mehoracion di e calidad di enseñansa, crea oportunidad igual pa tur estudiante teniendo cuenta cu e



necesidadnan individual di cada estudiante”.

Y tambe a enfoca riba e 21st century skills, e habilidadnan necesario pa siglo 21 pa asina nos studiantenan por ta exitoso den futuro. Riba enseñansa special cu Scol Soeur Juliette y Scol Paso pa Futuro a toca temanan di importancia cu e scolnan ta considera necesario pa garantisa cu cada alumno den enseñansa special por haya loke cu nan tin derecho riba dje.

Cu UNOCA a trata

e importancia di desaroyo cultural di Aruba y pa percira cu cada ciudadano tin conocimiento cultural. Y pa saca tur duda kico ta cultura na Aruba, ta importante pa esaki forma parti di enseñansa. Ya pidi UNOCA pa traha un plan con pa hiba cultura mas cerca den enseñansa.

Clero Catolico a trece dilanti e temanan di mas importancia pa nan, nan participacion y e trabounan di Caritas y e trabou di Clero Catolico a y ta haciendo den e

pandemia pa esnan mas vulnerabel den nos comunidad. A palabra tambe cu lo mantene comunicacion.

“Awe tawata un dia hopi interesante. Nos tin tur confiansa cu di awor en adelante nos lo bay trece tranquilidad cu tanto ta worde desea riba e terenonan aki especialmente riba e tema di enseñansa poniendo e alumno central, sosten pa e docente y aumenta e calidad di enseñansa”, Prome Minister a expresa.

Chauffeur no a regula su velocidad ni a mantene distancia a bay dal tras di e auto su dilanti pabao di rotonde Tarabana

Dialuna merdia a drenta informe di un accidente pabao di e rotonde Tarabana, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di e auto su dilanti. Afortunadamente ningun hende a resulta herida.



Chauffeur a bolter cu su auto ariba caminda di tera na Shiribana



Shiribana - Diadomingo marduga polis a bay Shiribana, unda cu un auto a bolter.

Esaki tawata den careda di 3:15 a.m

Na e mesun momento cu e accidente aki a sosode,

informacion a drenta cu un auto a dal contra cura di un cas na Catiri.

Na yegada di polis na Shiribana nan e topa ariba un caminda di tera un Toyota gebolter. E

chauffeur tawata ok y no tawata desea asistencia medico.

No ta conoci si e chauffeur ta biba ariba e caminda di tera y lo tawata bayendo su cas

y pa un of otro motibo birando e bocht a bolter.

Hunta di comisario di WEB y accionista a informa cu a yega na acuerdo di terminacion di trabao cu Luis Oduber y Randolph Ruiz

Laty Wever lo bira director temporal y lo wordo asisti pa Leo Roberto Croes

Dialuna mainta, Utilities NV a confirma e noticia cu SOLO a trece for di diabierna merdia, unda WEB a yega na acuerdo cu dos directornan pa terminacion di nan trabao.

Manera cu SOLO a informa, esaki no a bay sin mas, pero a bay debi na varios situacionnan cu a presenta.

E comunicado ta bisa: Pa medio di esaki e Hunta di Comisario di Water- en Energiebedrijf Aruba (W.E.B.) N.V. y

accionista Utilities Aruba N.V., kier informa cu a yega na un terminacion mutuo cu e director general sr. Luis Oduber y director financiero sr. Randolph Ruiz.

Hunta di Comisario di Water- en Energiebedrijf Aruba (W.E.B.) a nombra sr. Serapio Wever su persona como esun temporalmente encarga cu e maneho di Water- en Energiebedrijf Aruba (W.E.B.) N.V., esaki di acuerdo cu e statutonnan di Water- en Energiebedrijf Aruba (W.E.B.) N.V. mirando



cu su persona ta e presidente di e Hunta di Comisario.

Sr. Wever lo wordo asisti door di sr. Leo Roberto Croes, actual miembro di Hunta di Supervision

di WEB. Sr. Croes a traha 30 aña na WEB y su ultimo funcion tabata Advisor Strategic Development. Ambos, señores Croes y Wever lo bira non-actief como

miembro di e Hunta di Supervision na WEB.

Den nomber di Utilities Aruba N.v, e carta ta firma pa Richard Eman

Prome Minister Evelyn Wever-Croes:

SIMAN INTERNACIONAL DI LECH'I PECHO

“Lechi di pecho ta wordo reconoci como e miho fuente di nutricion pa crecemento y desaroyo sano di un mucha”

Mundialmente, desde 1992, un siman den augustus ta wordo dedica na e conscientisacion di e importancia y necesidad pa cria baby na pecho. Siman Internacional di Lech'i Pecho ta cuminsa dia 1 di augustus y ta termina dia 7 di augustus.

Lechi di pecho ta wordo reconoci como e miho fuente di nutricion pa crecemento y desaroyo sano di un mucha den por

lo menos su prome 6 luna di bida. Lech'i pecho ta yuda protehe e mucha di hopi infeccion y malesa y tambe ta fortalece su sistema inmunologico. Por menciona tambe cu criando e recien naci na pecho ta kita un gasto grandi na lechi di formula.

Lech'i pecho tambe ta parti di e Metanan di Desaroyo Sostenibel #3 (SDG.s #3) pa crea conscientisacion na un mundo mas saludabel,

prospero y sostenibel.

“Lechi di pecho ta contribui na e salud di e baby pero tambe di e mama. Importante ta tambe e laso afectivo entre e mama y e baby ya den e prome minuutnan di su nacemento. Mi ta encurasha tur mama y futuro mamanan, mientras nan salud ta permiti, pa nan duna pecho na nan recien naci”, Prome Minister Evelyn Wever-Croes a expresa



Prome grupo di studiantenan a yega bon Hulanda



Den Haag – Cu vuelo 732 di KLM a yega awe 2 di augustus un cantidad di 73 estudiante

Arubano pa sigi un estudio avansa na nivel di HBO of Universidad na Hulanda. Esaki ta e prome vuelo cu estudiante cu ta yega Hulanda. Ta trata aki di studiantenan cu ta bai studia na Maastricht, Venlo, Eindhoven, Utrecht Almere, Amsterdam, Diemen y Den Haag.

Na Schiphol un delegacion consistiendo funcionarionan di Departamento di Enseñansa di Arubahuis, studiemontor y miembronan di e POC (Plaatselijke Opvangcommissie) a ricibi e studiantenan.

Pafor di e sala di yegada e studiantenan na un forma bon coordina y organisa a haya instruccion di personal di Cas di Aruba, mentornan y miembronan di e POC unda nan mester a para den grupo pa warda nan turno pa bai na e bus cu lo hiba nan na nan ciudad

di estudio. Mescos cu tur aña Robby Schouten tabata presenta na Schiphol pa haci un reportahe di e yegada di e studiantenan pa su programa Leu foi Cas.

Mayan e studiantenan lo cuminsa cu e programa di “opvang” obligatorio, cual lo dura entre tres dia y un siman. Durante e dianan aki e studiantenan nobo lo haya e guia nesario den nan ciudad unda pa sigur cuater aña of mas nan lo biba y studia.

E prome aña e estudiante ta ricibi guia di e studiemontor, pero pa e resto di su estudio e ta cai bou di Arubahuis.

E aña aki e studiantenan a ricibi como regalo un ehemplar di e buki ‘Sombra di Recuerdo’ di e conocido escritor Arubano Quito Nicolaas. Un palabra di gradicimento ta bai pa Bookish Plaza, Irene de Cuba y Quito Nicolaas pa e bunita gesto aki na nos studiantenan. Nota pa redacion: E potretnan ta cortesía di Cas di Aruba



Gamma IT Solutions y CITI a organisa un exitoso Coding workshop



Gamma IT Solutions den colaboracion cu Curacao Innovation & Technology Institute (CITI) a organisa un XLAB Coding Camp pa mucha y hoben.

E instructornan di e XLAB tabata e programmeurnan di Gamma IT Solutions y e la tuma lugar na e oficina di CITI. Participantenan cu a registra por a escohe pa sigui e les na oficina di CITI of online via Zoom.

E meta di e edicion di e XLAB aki ta pa stimula e hoben pa explora e mundo di coding. Participacion tabata gratis. E grupo di muchanan

entre 9 pa 12 aña a siña traha wega via e plataforma Code.org. E hobennan di 13 pa 18 aña a desaroya un app, 'from scratch', cu por pone riba nan telefon. E hobennan a haci uzo di e Plataforma Visual Studio.

A clausura e XLAB cu entrega di certificado pa tur cu a participa. Brachelo Regina di Gamma IT Solutions ta comenta "Nos ta contento di wak e interes di parti di muchanan y hobennan den e mundo di IT. Coding ta e futuro y mester stimula nos hubentud pa crea cosnan nobo uzando tecnologia. Palabra di



gradicimento ta bai na e team di CITI en especial, Monique Raphaela y Sherline Bakmeijer."

Sigui e pagina di Facebook/Instagram di CITI pa mas edicion di

XLAB y di Gamma pa mas workshop di coding den future.



Minister Dangui Oduber

Pa luna di augustus 2021 Aruba lo ricibi 8 calls di barconan cruiserero

Den luna di juni 2021 Aruba a ricibi su promer liña cruiserero desde maart 2020. E no tawata facil pa Aruba Ports Authority y tampoco pa nos turismo pa bai mas di 1 aña y 3 luna sin ningun barco cruiserero. Minister Oduber conhuntamente cu APA y tambe ATA a bin ta haciendo hopi esfuerzo pa cruiseronan por ta bek na Aruba. Di e forma aki na un manera pro activo a aserca cruiseronan y a splica kiko e situacion ta na Aruba y tambe a comparti e protocolnan cu liñanan cruiserero. Aruba tawata e promer pais cu cruiseronan a cuminsa "sail". Awe nos por ta satisfecho cu e cantidad di barconan cruiserero gradualmente ta aumentando y den luna di augustus 2021 Aruba lo bai ricibi 8 calls cu ta un aumento gradual den comparacion cu luna di juli 2021.

Cu esaki Aruba ta continua su recuperacion di nos turismo cruiserero. Sigur esaki ta crea oportunidadnan pa nos economia, pa cuponan di trabou, pa tour operators, pa taxistnan, pa restaurant y tambe pa pais Aruba. Mescos tawata e caso cu e bishitantenan stayovers, turismo cruiserero lo mira un crecemento gradualmente. Minister Oduber tin e confianza cu e recuperacion di turismo cruiserero tambe ta sigui segun e proyeccionan di APA. E desaroyo di nos turismo cruiserero ta hopi importante pa nos recuperacion. E ta importante pa Aruba Ports Authority pero tambe pa nos turismo y

economia.

Turismo ta e pilar number uno di nos isla y nos tur a nota e importancia di e industria di crucero den nos economia, awor cu esaki tabata inactivo pa mas di un aña. Awo nos ta den e proceso di recuperacion y mescos cu ta sosodiendo cu aerolineanan, awor nos ta enfoca tambe riba e liñanan crucero pa yega nos isla atrobe. Nos a traha duro pa por tin tur protocol di salud na ordo, pa hunto cu e liñanan di crucero nos percursa pa bienestar di tur nan pasaheronan, nan tripulacion y sin lubida nos pueblo tambe. Pa loke ta trata yegadanan di barconan crucero pa e resto di aña Minister Oduber ta bisa: "lo ta bay tin 24 call e aña aki di Carnival Horizon y ta premira cu lo bay ricibi 69 call total pa aña 2021, nos ta hopi contento y agradecido cu nos por a logra convence e dos liñanan di crucero aki, cu ta Royal Caribbean cu tin e liña di Celebrity, y tambe Carnival Cruise Line". Nos ta mira cu e luna aki lo tin mas call cual ta un bon señal. E ta indicativo di e confianza cu liñanan cruiserero tin den nos maneho y nos economia.

Minister Oduber ta hopi satisfecho cu e recuperacion di nos turismo cruiserero considerando e hecho cu ainda e pandemia tey presente. E variante delta ta causando un aumento di casonan substancial na Aruba y nos mester ta hopi vigilante na esaki pasobra e por tin consecuencia pa nos recuperacion di nos



turismo si casonan ta sigui aumenta. Minister Oduber ta sigui recomenda y URGI

tur esnan cu ainda no a vacuna pa bai tuma nan vacuna mas pronto posibel pa di e forma aki

cuida nan propio salud y proteha nan mes.



**Centronan di Vacunacion
Centro Deportivo Betico Croes**

**Santa Cruz
Dia Dialuna pa Diabierna
8:30 am - 11:30 am**

**ImSan San Nicolas
Di Dialuna pa Diabierna
8:30 am - 11:30 am**

Pa haci un cita pa vacuna

**Aruba Health App
www.dvg.aw**

**Tel. 280-0101 of
522-4200**

ARUBA SU SECTOR FINANCIERO, SOLIDO Y RESILIENTE, A PASA REMARCABELMENTE BON DOOR DI E TORMENTA ECONOMICO INPRECEDENTE CAUSA DOOR DI E PANDEMIA DI COVID-19

Awe Banco Central di Aruba (BCA) a publica su FINANCIAL SECTOR SUPERVISION REPORT 2020.

E "Financial Sector Supervision Report" di e aña aki ta duna un bista extensivo di e desaroyonan mas importante den areanan supervisorio y regulatorio cu a tuma lugar den 2020, un aña cu a wordo domina door di e pandemia causa pa COVID-19. Fuera di un gran cantidad di bidanan lamentablemente perdi cu a shock nos comunidad, e pandemia aki tabatin un impacto sumamente negativo riba nos economia causando e crisis economico financiero mas grandi despues di e ciere di Lago na 1985. Manera casi tur gobiernonan di otro pais, Gobierno di Aruba forsadamente a tuma medidanan draconico pa reduci e riesgo di un brote extenso di e virus.

Aruba su sector financiero a muestra resiliencia durante e pandemia di COVID-19. E sector financiero a confronta e crisis economico den condicionnan solido y resiliente. Tambe esaki ta e caso compara cu varios otro pais den Caribe, unda nan sectornan financiero tabata menos prepara pa por a navega door di e tormenta sin precedente aki. E solidos y resiliencia di nos sector financiero ta refleha den e tasan prudencial (den forma agrega) den e areanan di capital, calidad di activo y likides, cualnan a keda den margennan solido.

E banconan a provee moratorionan general y solucionnan na midi pa restructura fiansanan

Anticipando e efectonan enorme cu e medidanan importante tuma pa cu salud publico lo tabata tin riba e sector financiero, BCA a responde rapidamente door di implementa, entro otro, medidanan temporario di alivio necesario den e area prudencial cu tabata tin como obhetivo pa yuda e banconan comercial sigui cu nan actividadnan di duna credito sin interrupcion y alabes fortalece nan habilidad pa absorba perdida sin cu nan lo no por a sigui cumpli cu e rekisitonan prudencial existi door di BCA. E medidanan di alivio duna door di BCA ademas a stimula e banconan pa duna moratorionan general na nan debedornan. Tambe ora e moratorionan general aki a termina, e banconan por a duna solucionnan na midi pa restructura fiansa na e clientenan cu, segun e propio evaluacionnan di e banconan, tin e habilidad pa sobrebibi e crisis economico y asina a preveni bancarotanan innecesario.

Capital y buffernan di likides amplio

E capital y e buffernan di likides amplio cu e institucionnan financiero a acumula durante añanan, como tambe BCA su supervicion estricto, tabata instrumental den mantene e sector financiero solido y cu un bon reputacion. Fondo Monetario Internacional tambe a sostene e alivio temporario di e rekisitonan supervisorio di BCA, den nan mas reciente rapport relaciona cu e consulta di articulo IV riba Aruba cu fecha 12 di april 2021. Manera cu alabes confirma den e rapport aki, e banconan comercial y e otro institucionnan di e sector financiero a keda hopi solido. Esencial pa remarca ta cu no mester sobreestima asina facil e importancia di mantene un sector financiero solido. E tamaño di e activo di e sector financiero a alcanza aproximadamente Afl. 13,0 biyon (cu ta ekivalente na USD 7,3 biyon) na final di 2020, casi tres biaha mas grandi cu Aruba su producto domestico bruto estima pa 2020.

E calidad di e cartera di fianza di e banconan comercial a baha marginalmente. Esaki ta evidente den e tasa di prestamonan cu ta den un situacion di incumplimento (e asina yama "nonperforming loans ratio") cu a subi di 3,2 por ciento na final di 2019 te na 5,0 por ciento na final di 2020, pero kedando na un nivel aceptabel.

Mas ainda, e sector bancario, riba un nivel agrega, a keda rendabel, mientras e buffernan di capital y likidez a permanece na un nivel sumamente satisfactorio. Ademas, e sectornan di seguro y fondo di pensioen a sigui cumpli cu e minimo di tasa di cobertura, y asina tambe nan habilidad di cumpli cu nan obligacionnan di seguro y pensioen den futuro a keda intacto.

A sigui enforsa e marco legal den e area di prevencion y combatimento di labamento di placa y financiamiento di terorismo

Den e parti di sigui mehora e marco legal den e area di Prevencion y Combatimento di Labamento di Placa y Financiamiento di Terorismo (e asina yama "AML/CFT") y hisa esaki na nivelnan cu ta reconoci internacionalmente, BCA ta enfatisa e importancia pa Parlamento di Aruba pasa e proposicion revisa di e Ordenansa riba Prevencion y Combatimento di Labamento di Placa y Financiamiento di Terorismo cu ta pendiente mas pronto posibel. Esaki ta mas importante ainda si tuma na cuenta e proximo evaluacion di Caribbean Financial Action Task Force (CFATF) riba

e efectividad di Aruba su marco legal pa combati labamento di placa y financiamiento di terorismo, cual lo tuma lugar na final di augustus 2021.

Importancia di e proximo evaluacion di CFATF

Un resultado positivo di e proximo evaluacion di CFATF ta di importancia vital. Insuficiente cumplimiento cu e normanan internacional emiti door FATF den e area di AML/CFT por conduci cu ta pone un pais riba e asina yama listanan "shinishi" of "preto", cual ta devastador pa un economia di un isla chikito manera Aruba.


Un consecuencia sumamente no desea di esaki por ta cu lo por perde relacionnan cu banconan internacional di coresponsal, cual ta dificulta y haci hopi costoso pa empresanan y consumidornan ehecuta transferencianan bancario internacional pa por paga, por ehempel, importacion di bienes y servicio. Aruba su Ordenansa di AML/CFT, como tambe e supervicion estricto y enforsa cumplimiento di BCA, tabata instrumental pa mantene e reputacion internacional excelente cu Aruba su sector financiero tin. Contrario na otro hurisdiccion den nos region, e sector bancario local te cu awor no a wordo afecta pa e fenomeno di reduccion di riesgo (e asina yama "de-risking") unda cu banconan internacional estableci na Merca y Europa ta termina e relacionnan coresponsal cu banconan den paisnan of regionnan cu un percepcion di un riesgo halto pa facilita labamento di placa.

Lamentablemente varios banconan den e region aki cu no ta forma parti di un grupo internacional bancario si a wordo afecta pa e fenomeno di reduccion di riesgo.

Pues opinionnan cu expresa den e rednan (social), cu ta indica cu e supervicion di BCA ta mucho estricto y cu e multanan administrativo duna ta demasiado halto, lamentablemente no ta tene na cuenta cu e normanan internacional di FATF ta haltisimo y rigido pa preveni labamento di placa y financiamiento di terorismo, como tampoco e consecuencianan severo cu por tin pa Aruba su comunidad si no cumpli cu e normanan aki.

E FINANCIAL SECTOR SUPERVISION REPORT 2020 ta disponibel for di awe riba e website di BCA www.cbaruba.org.

Monumento di Steenweg 19 a haya su decoracion di 'gingerbread' bek



E proyecto di restauracion di e monument na Steenweg 19 ta yegando su final. Despues cu e edificio a conoce varios cambio durante añanan, cu e restauracion Stichting Monumentenfond Aruba a hiba e exterior di e edificio bek na su forma original. Cu e adaptacionnan aki e edificio a haya entre otro su balcon bek, decoracionnan y popchinan a bin bek pero tambe e decoracion di palo conoci manera 'Gingerbread'.

Casnan cu decoracion den estilo 'Gingerbread' no ta hopi comun na Aruba pero si nos tin algun monumentonan caminda por mira e influencia di e estilo arquitectonico aki di siglo 19.

E estilo conoci cu e nomber di 'Gingerbread' ta un estilo di e era di arkitektura Victoriano (1837-1901). Durante añanan 1830, constructornan mericano a cuminsa

interpreta e arkitektura di Renacimiento Gotico Europeo cu detayenan elabora den palo pa decora casnan construi di palo na Merca. Esaki tabata conoci tambe manera Carpinteria Gotico. E prome diseñonan tabata simpel pero mas na mitar di siglo 19 cu e invento di e "scroll" zaag a cuminsa cu e produccion den massa di palonan mas fini corta den diferente diseño. Asina a cuminsa transforma casitanan di palo simpel den casnan unico decora.

No ta tur hende tabata di acuerdo cu e estilo aki. Andrew Jackson Downing, un defensor di e Renacimiento Gotico a critica e estilo bisando cu casnan di palo di costo abou cu tabata chikito y simpel no mester ta decora cu decoracionnan elabora cu ta pertenece na villanan grandi.


Apesar di esaki e estilo a keda fuerte, principalmente den areanan residencial di

Chicago durante añanan 1860. Durante un candela grandi na año 1871 un gran parti di e casnan aki a bay perdi pero e estilo di arkitektura a sigui expande den areanan occidente di Merca. Actualmente Cape May tin un di e coleccionnan mas grandi di 'Gingerbread Houses' di siglo 19.

Pa local ta e area di Caribe e estilo di 'Gingerbread' a haci su entrada na 1880 na Haiti. Casnan di clase halto tabata tin un arquitectura unico combina cu tradicionan local y influencianan di afor entre 1880 y 1920. Na 1895 tres hoben di Haiti; Georges Baussan, Léon Mathon, and Joseph-Eugène Maximilien a studia arkitektura na Paris caminda nan a haya e inspiracion pa adapta e movimiento arquitectural di 'Gingerbread' segun e clima di Haiti diseñando casnan cu patronchinan vibrante y colornan yamativo. Mayoria casnan den barionan rico tabata construi den e estilo aki y despues e a expande pa e resto di e pais.

Algun característica di e casnan 'gingerbread' ta hopi decoracion y patronchinan den forma di canchi. Randnan di dak decora cu diseñonan den palo, balconnan habri y ta pone hopi atencion na e partinan angular y vertical di e cas.

Despues di 1925 por a nota cu a cambia den estilo di arkitektura na Haiti debi na materialnan di construccion moderno y cambianan den regulacion di construccion. Pero despues di 1946 por



mira casnan di clase media a adopta e estilo arquitectural di 'Gingerbread' atrobe.

Otro parti di mundo a adopta e estilo arquitectonico aki principalmente na e otro islanan di Caribe por haya hopi di e casnan decora te awendia.

Na Aruba, contrario na mayoria di e islanan den Caribe por haya bek e decoracionnan di 'Gingerbread' principalmente na edificionan grandi y no na e casitanan di palo tradicional. Mayoria di e edificionan aki ta data di añanan diesnuebe binti, asina nos por haya e tipo

di decoracion di palo aki na edificionan manera Stadhuis y tambe dos di e monumentonan cu ta pertenece na e compleho di Museo Archeologico, conoci manera Cas Ecury. Na e skina di John G Emanstraat cu Emmastraat y tambe na Bernhardstraat na San Nicolaas por haya ainda algun casita di palo cu 'gingerbread' pero na un estilo mas simplifica.

y awor cu e restauracion di e edificio di ex Botica Aruba na Steenweg 19 a trece e decoracion aki bek. Na mayoria di e edificionan e decoracion ta forma parti di e balcon of veranda di e edificio.



Piensa el ladron que todo son de su condicion?? E UNICO META DI EAGLE LNG-GAS TA PA TERMINA E WEGA DI CASINO DEN WEB CU HEDGING

y duna pueblo prijs di coriente stabiel y mas barata

Logicamente cu periodistanan di AVP24, tur dia ta bati boca riba e proyecto di Eagle LNG y pa nan tur cos ta malo. No solamente cu tur cos ta malo, pero nan a bay hasta mas leeuw di pensa cu otro hende, lo ta mescos cu nan, unda e unico cos cu nan ta pensa riba dje ta "Corona".

Recientemente nan a expresa e palabra "corona" mas di 10 ves, mustrandocu waar het hart van vol is, loopt de mond over.

Den e caso di Eagle LNG, no tin ningun hende cu lo corona, manera tabata e caso den RDA, unda via estafa, varios amigonan di AVP a corona, manera entre otro Patrick Paskel cu casi 1 miyon florin, sin ningun contract.

E unico persona cu lo sali beneficia di e proyecto di gas ta PUEBLO DI ARUBA. Dicon? Pasobra te

cu actualmente, WEB tabata hunga casino. Mester hedge cada rato, unda Aruba a perde masha hopi placa caba den anja 2016.

Cu introduccion di gas, e prijs pa pueblo lo bira stabiel y lo no ta estilo "subi baha". Tampoco mester mas Casino den WEB di Hedge. Wega di hedge a caba!

Cera e departamento di hedge y laga es personalnan ey bay hunga casino cu nan placa! Prijs di gas ta esun di mas stabiel na mundo! Si e subi mes, e lo no tin impact.

Pues, e alegacion di AVP24 su periodistanan, ta alegacionann contra pueblo di Aruba. Nan no kier trece estabilidad pa pueblo den prijs di coriente.

Mas notabel ta nan ansha, y nan pensamiento di "corona". Corona ta loke nan



a haci den Lotto cu RDA, ora cu nan a horta placa di pueblo, pagando 25 mil florin pa un dinner, riba un solo anochi.

Nan mester compronde cu pueblo tin ASCO di nan estilo di ta testafero di Mike Eman. Chica placa di pueblo pa enrikese nan mes! Cu awor nan kier


tilda, cuestiona, of trece calumnia, mester bisa e dos chabelitonan: Piensa el ladron que todos son de su condicion?

LA PODEROSA Salma Chisoy

Es hora de cambiar su vida y lograr lo que siempre a deseado, Amor, Salud y éxito.

No espere más y llama ya o escíbeme por whatsapp 7411517 para una consulta personalizada completamente GRATIS por teléfono, le dire su pasado su presente y su futuro, aleje las malas energías y termine con tanto sufrimiento.

Llámame 7411517



Chauffeur no a regula su velocidad ni a mantene distancia a bay dal tras di e auto su dilanti pariba di rotonde Tanki Leendert



Dialuna mainta a drenta informe di un accidente pariba di e rotonde Tanki Leendert, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un chauffeur di e Toyota Passo no a regula su velocidad ni a mantene distancia a bay dal tras di e Kia Picanto su dilanti. Afortunadamente ningun hende a resulta herida.



Toyota Aristo a perde control ariba Watty Vos Boulevard na altura di Hato



Watty Vos Boulevard - Disabra anochi den careda di 10:45 p.m informacion a drenta di un accidente serio ariba Watty Vos Boulevard.

Pa ta exacto, rotonde nobo di Bushiri bay direccion pariba y pasando e brug.

Un auto so tawata involvi, tawata trata di un Toyota Aristo color blanco. E vehiculo a perde control altura di e brug y a dal na banda robes di e caminda kibrando varios parti di-

lanti di e auto tambe motor.

Na final e la kita bay na su banda drechi y a keda mita ariba caminda.

Chauffeur a resulta levemente herida y polis a pidi pa ambulance pa controla e chauffeur.

Pa locual ta e caminda mes, esaki parti di e rotonde di Bushiri a keda cera te ora a move e Toyota Aristo y cosnan cu a benta ariba caminda.

OLIVE TREE FUNERAL CARE & CREMATORY

Nos Lembr "Regla bo entiero adelanta y biba cu un sentimiento trankil"

BENEFICIONAN

- Bo mes ta dicidi cuanto cen bo kier paga.
- Bo no ta perde e montante acumula na momento cu bo stop di paga of bo no por paga mas.
- Bo ta stop di paga na momento cu e gastonan di e pakete cu bo a scoge a wordo cubri.
- Bo por haci uzo di e montante cu bo a acumula pa cubri gasto di un otro persona su entiero.

PAKETE A AWG. 4550,-
Servicio y Articulanon di entiero
Caha na balor di AWG. 1850,-

PAKETE B AWG. 6750,-
Servicio y Articulanon di entiero
Caha na balor di AWG. 1850,-
Kelder

PAKETE C AWG. 5050,-
Servicio y Articulanon di entiero
Caha na balor di AWG. 2350,-

PAKETE D AWG. 7250,-
Servicio y Articulanon di entiero
Caha na balor di AWG. 2350,-
Kelder

📍 Bernhardstraat, nr. 134-136
Sanicolas, Aruba

☎ (+297) 584 - 8888 (24h)
📞 (+297) 567 - 0862

✉ info@theolivetree-fh.com
🏠 The Olive Tree Funeral Home



Canada y Suecia pa final di Weganan Olimpico Futbol Femenino



Seleccion di Merca lo enfrenta Australia prome pa medaya di bronze.



Dialuna den oranan di mainta, a tuma lugar weganan di semi final di futbol damas pa loque ta trata weganan olimpico Tokyo 2020.

Den prome wega, e bataya entre 2 rival eterno, cerca di otro, Merca y Canada pa bira e prome finalista di futbol femenino.

Un bon wega, caminda claramente seleccion Americano tabata den

gran dominio di e bala, mucho mas cu Canada den e wega aki, pero no a logra probecha di esaki pa anota gol.

Prome mitar a bay den descanso cu score empata 0-0, den di dos mitar e dominio di Merca a sigui y tabata constantemente den atake, pero manera e dicho ta bisa, esun cu hinca mas gol esey ta gana, na di 74 minuut, Canada

ta haya un tiro penal na su favor y aki Jessie Fleming ta haci e wega 1-0 pa Canada.

Despues di e gol aki, Canada a keda defende nan ventaha te ora cu referee a señala final di wega y asina Canada ta pasa pa gran final di futbol olimpico Tokyo 2020.

E di dos wega tabata entre Australia y Suecia, pa e di dos finalista cu lo enfrenta Canada den e gran final.

Tambe un wega hopi parew caminda ambos ekipo tabata busca manera di bay ariba, pero den prome mitar no a logra esaki y prome mitar a bay den descanso cu score empata 0-0.

Den di dos mitar, apenas 1 minuut di wega, Suecia ta bay ariba cu score di 1-0, cu gol anota pa Fridolina Rolföe.

Cos a bira peor casi na final di wega pa Australia ora cu su hungador Ellie Carpenter a haya carchi cora direct, lagando asina Australia cu 10 hungador riba tereno.

Asina tambe e wega a termina cu score di 1-0 caminda Suecia ta bira e di dos seleccion cu ta clasifica pa final y lo enfrenta Canada pa medaya di oro.



**PAGA BO CUENTA
ONLINE TA FACIL**



Sea Abonnement of Aviso

Cuenta di Banco:
Sunmax Printers
Sta.Cruz 110

RBC: 7700000100152447

Pago online, facil y lihe



Tampa Bay Rays ta sweep Boston Red Sox den fin di siman pa tuma prome lugar den division east



Den fin di siman cu a pasa tabata tin un serie interesante den baseball di grandes ligas unda cu prome lugar y di dos lugar den division east a topa otro, na prome lugar tabata ekipo di Boston Red Sox y na di dos lugar te na e momento ey tabata Tampa Bay Rays.




Boston Red Sox tabata tin exito cu mayoria ekipo e aña aki, pero su dolor di cabez principalmente e aña aki tabata Tampa Bay Rays y esaki na di dos ocasion cu Tampa Bay Rays por tuma e prome puesto for di Boston Red Sox. Cual tabata e caso tambe, ora cu prome wega di serie entre ambos ekipo Tampa Bay Rays ta gana Boston Red Sox cu score di 7-3 y ta tuma 1/2 wega di ventaha contra Boston Red Sox na prome lugar. Diasabra tambe ekipo di Tampa Bay Rays a sa di gana Boston Red Sox cu score di 9-5 y ta amplia e ventaha na prome lugar cu 1 1/2 riba Boston Red Sox. Diadomingo anochi tabata e wega di siman caminda Tampa Bay Rays a bay pa e "sweep" contra Boston Red Sox. Tampa Bay Rays a pre-

senta cu nan pitcher habridor cu tabata Shane McClanahan mientras cu Boston Red Sox a presenta cu Nick Pivetta como nan pitcher habridor. Den un wega hopi cera, ambos pitcher a preta braza duro, pero na final di wega ekipo di Tampa Bay Rays ta bari Boston Red Sox 3 wega sigui ganando cu score di 3-2.


Tampa Bay Rays a score 3 careda, a bati 7 hit y no a comete error, pitcher ganador tabata pitcher habridor Shane McClanahan y e wega a wordo salba pa Matt Wisler, mihor bateador pa Tampa Bay Rays a resulta Wander Franco cu a bati 2 hit den 3 turno. Boston Red Sox a score 2 careda, a bati 8 hit y no a comete error, pitcher perdedor a resulta e pitcher habridor Nick Pivetta,

mihor bateadornan pa Boston Red Sox a resulta Kike Hernandez cu a bati 3 hit den 5 turno na bate y Rafael Devers cu a bati 2 hit den 4 turno na bate. Cu e tres victorianan sigui di Tampa Bay Rays, nan ta saca un leve ventaha di 1 1/2 riba Boston Red Sox cu despues di basta dia dominando prome lugar ta perde e puesto aki den division east cu ta birando dia pa dia mas interesante.

STOP DI HUMA...



- Ta lagabo hala rosea mas facil
- Ta dunabo mas energia
- Hisa e posibilidad pa fertilidad
- Mehora habilidad di hole y smaak
- Menos posibilidad pa infection respiratorio, menos bishita na dokter!
- Mehora bo apariencia



- Anciedad, Depression y nivel di stress ta baha



- Ta yudabo **SPAAR!**



AVP: TRACKRECORD DI GABINETE MIKE EMAN I Y II DEN RESCATE DI MONUMENTONAN NACIONAL TA INDISCUTIBEL



E vision cu Prome Minister Mike Eman a drenta gobernación cune na 2009 despues di 8 anja di trabao duro a keda visibel den tur skina di Aruba. Un vision cu a encera hopi edificio monumental cu a keda rescata, renoba, restaura, remodela y tambe construcción di parke, plaza y otro centronan di encuentro y recreación y infraestructura transformador pa Aruba. Di promer día Mike Eman a traha di cerca cu Monumentenbureau y Monumentenfonds pa realisa protección, rescatate y restauracion di hopi monumento cu a worde laga na ruina. E inicio simbolico tabata e rescate di Bestuurskantoor. Un cu tabata na punto di wordo bendi door di e gobierno

prome cu Gabinete Mike Eman. Como líder di oposición entre 2005 y 2009 Mike Eman a lidera e lucha pa no bende Bestuurskantoor y mantene y rescata e edificio histórico aki como nos Centro di Gobernación. Como Formador caba na 2009 e a duna contenido na su palabra y a habri e portanan di Bestuurskantoor bek reubica trabaonan administrativo den e edificio di Bestuurskantoor - e temponan ey un edificio abandonado y den un estado deplorable. Inmediatamente a inicia e proceso di rescate y restauración di Bestuurskantoor. Den esaki a logra apoyo di voluntarionan cu den un forma impresionante a juda cu trabao duro día y anochi pa haci e lugar den un tempo record funcionabel atrobe. Eman y su coleganan cu tabata parlamentario y a bira Minister a laga riba su petición nan derecho riba overbrugging cerca finazas di Aruba pa worde inverti den renovación di Bestuurskantoor. E suma total di 5 minister cu tabata parlamentario cu derecho di overbrugging cu a worde laga pa gobierno pa cuminsa restaura Bestuurskantoor tabata riba 750.000 florin. Tabata placa cu pa ley nan tabata tin derecho riba dje, pero a escohe pa laga esaki pa País Aruba pa por a inicia e trabaonan na Bestuur-

skantoor sin cu e gobierno a sinta ainda formalmente. Ki diferencia cu esnan cu awe 4 anja a negligha nan responsabilidad cu prioridadnan robez y ainda ta papia di gobernación anterior. Hopi curashi!

Gabinete Mike Eman I y II a pone énfasis grandi riba restauración di monumentonan. E visión di rescate di nos Centro di Gobernación a haya un forma integral cu construcción di Cocolishi, Plaza Padu y restauración y trabaonan di mantención grandi di edificionan institucional rondona den e circulo ey: Edificio monumental Rekenkamer, Stadhuis, Censo, Edificio di Gabinete de Gobernador y edificio di Staten e edificio monumental Cosecha y Havenmeester Kantoor. Mike Eman su visión di renovación di Centro di ciudad y restauración di monumentonan a inspira sector priva tambe pa inverti den restauración di monumentonan priva.

Gobiernonan di signatura di su partido semper a duna prioridad na restaura y mantene nos patrimonio nacional. Gracias na esey nos a logra restauración di edificionan monumental manera ta: Ecury y Henriquez Complex caminda nos impresionante Museo Arqueológico y Monumentenbureau ta situa, nos Stadhuis

y Censo (cas di Arends y Hotel Colombia), nos Watertorennan na Playa y San Nicolas, nos Edificio di Corte, nos Centro di Gobernación Bestuurskantoor, Edificio di Rekenkamer (antes Julianaschool, después Biblioteca Nacional), Edificio Monumental Cosecha, Vuurtoren, cas di Gobernador, Nicolaas Store, scolnan monumental manera unda nos Universidadt ta estableci, La Salle College, Dominicanus College, Rosa College, Rosario College, Sint Antonius College, Abraham de Veerschool, Sint Augustinus College, Santa Teresita College y mucho mas. Un cantidad impresionante di edificionan monumental a keda rescata y restaura bao liderazgo di Mike Eman. Awe su preocupación ta pa salba e edificionan monumental Juliana School y Beatrix School. Schoolnan cu a carga nomber di nos Reina Juliana y Reina Beatrix y a hunga un papel grandi den educación di Aruba. E lo ta lamentabel si laga e monumentonan aki sigui deteriora y bai perdi. Pesey awe e líder di fracción di AVP mr. Mike Eman a inicia hunto cu prominentenan den historia di enseñanza na Aruba un lucha pa proteha, salba, rescata y restaura e monumentonan Julianaschool y Beatrixschool.



Abona na



**A BO NO MESTER SALI
DI CAS**

Yama **5859500** of
e-mail nos na
solodipueblo@gmail.com
Tur marduga nos ta entrege
den bo porta di cas!

Noticia cayente, ta aki
bo ta haye!



5 Señal cu bo ta comiendo demasiado sucu

World Health Organization (WHO) den su ultimo guia riba consumo di sucu, ta bisa cu e consumo di sucu pa dia no mester pasa cinco porciendo di e calorlanan diario di un persona.

Esey ta mas of menos 6 telep of 25 gram di sucu. E organizacion global di salud a anuncia su guia na 2015 y eyden tabata tin hopi controversia riba su practicabilidad.

Algun experto a considera e guia di WHO como estricto; algun ta bisa 10 porciendo di e calorlanan diario di un persona, ta un proporcion mas realistico. Action on Sugar, un organizacion dedica na investigacion riba sucu, a haya cu sucu ta wordo haya den un variedad amplio di cuminda manera cos dushi, bolo, buscuchi, juice y refresco y esakinan por ta dañino na salud si come nan den exceso.

Mientras cu cuminda manera fruta y productonan lacteo por ta un bon fuente di vitamina, mineral y fibra;

Cumindanan cu ta contene zero sucu (additivo) hopi biaha tin hopi poco of ningun beneficio nutricional.

Cu e informacion aki, bo por imagina, con hopi sucu bo ta comiendo y con esaki ta afectando bo.

Aki tin algun señal cu bo ta comiendo demasiado hopi sucu:

1. Aumento di peso

Aumento di peso ta un di e señalnan mas obvio cu bo ta comiendo demasiado hopi sucu. Sucu cu ta transforma den glucos te un fuente mayor di energia pa e curpa.

Sin embargo, si esaki no



wordo uza inmediatamente como energia, e por wordo warda den e curpa sea como vet den e barica, pia of den e higrá, musculonan.

2. Gana di sucu

Mas sucu bo come, mas gana bo ta haya di dje. "Mas gana ta mescos cu come mas sucu - e por bira un ciclo vicioso y adictivo," Brooke Alpert, M.S., R.D. autor di *The Sugar Detox: Lose Weight, Feel Great and Look Years Younger*, ta conta SELF.

3. Acne

Si, acne riba bo cara, nek y pecho, por ta e resultado di e sucu cu bo ta comiendo. Di acuerdo cu Healthline, cumindanan di sucu rapidamente ta aumenta e sucu den sanger y nivelnan di insulina, causando aumento di e secrecion androgeno, produccion di vet y inflamacion, tur cu ta huná un rol den desarrollo di acne.

4. Nivelnan abao di energia

Glucose, manera menciona anteriormente, ta esencial pa produccion



di energia den e curpa; sin embargo, e ta importante pa mantene e nivelnan di sucu den sanger balansa.

Esaki no ta pasa si bo come snacksnan yena cu sucu. Kico ta pasa ora den e caso cu tin peaks y lows. Siguiendo e consumo di sucu, e pancreas ta saca insulina pa yuda transferi glucose pa e celnan, nificando cu bo por experencia un rush di energia.

Una bes cu e energia caba, bo por experencia un dip den energia, mientras cu e curpa ta pidi pa mas sucu pa cuminsa cu e ciclo di nobo, segun Bazaar.

5. Bo ta haya mas buraco den djente

Ora cu bacteria ta come riba particulanan di cuminda entre e djentenan, ta produci acido, cu ta causa cu e djente por putri.

Di acuerdo cu SELF, e scupi humano ta mantene un balansa saludabel di bacteria riba su mes, pero comiendo sucu, e por impacta e pH y ta destabilisa e ecosistema natural.

Esaki ta duna e bacteria e chens pa multiplica, cu ta hiba na e deterioro di e djentenan.



Clifford Heyliger (AVP):

SUMANAN CUANTIOSO PA CORE CU DIRECTORNAN MIENTRAS CU TRAHADORNAN TA ENTREGA

Mi a tuma nota di un practica standard di partido MEP ora nan ta den gobierno. Cada bes cu un hende of grupo no ta di acuerdo cu nan ponencia of nan accion (medida) e partido ta responde cu atake nan personal pa purba ataca e bon number of reputacion di otro nan.

Historia ta ripiti. Na 2007 politico nan di MEP a ataca e directornan di WEB y Elmar y a publica e salario nan di trahador nan di ambos compania. E meta di esaki tabata y ainda ta pa pone trahador nan di NV's y ambtenaren den mal bista cu comunidad.

Esaki ta loke ta sosediendo na WEB Aruba N.V. awor aki. Ultimo dos siman ta "lek" informacion tocante supuesto mal maneho pa asina pone pueblo en contra di e director nan. Asina ora nan kita nan pueblo lo no exige clarificacion di un decision asina drastico. E directornan no a sigui e mandato di Utilities cu ta en contra di principio di bon gobernacion. E directornan ta "hoofdelijk y persoonlijk" aansprakelijk pa e decision nan cu nan tuma cu ta of por perhudica e compania. Esaki ta e mensahenan cu a laga ventila pa crea base pa core cu e directornan.

Di locual mi por a distila te awor

aki (leasando diferente medio nan di comunicacion y loke ta "common knowledge") ta lo siguiente:

- Utilities no ta contento cu e directornan ta operando independiente di politica y na bienestar di WEB Aruba NV y pueblo di Aruba.
- Utilities no ta contento cu WEB no a sigui nan opdracht di bai cu otro compania pa cu phase 4. WEB a opta sigui cu e compania Wartsilla pa fase 4.
- Utilities no ta contento cu e directornan riba peticion di sindicato y trahadornan a preferea di negosha e inhousing di salario na lugar di impone esaki. By the way otro compania y sindicatonan a haci net esey. Pero ey no ta busca pa bula cabez.
- Utilities no ta contento cu e directornan ta negoshando cu Eagle LNG loke ta na bienestar di WEB y Pueblo di Aruba. Esaki probablemente ta strobando nan agendo y interesnan ajeno cu nan kier sirbi.

Segun Utilities e dos directornan ta culpabel di mal maneho cu lo a costa WEB y Aruba hopi placa of a stroba WEB y/of pueblo di Aruba di spaar placa (baha price di awa y coriente).

E dos directornan segun Utilities



a resulta di ta incompetente pero toch ta bai over na paga nan probablemente sumanan cuantioso pa nan bai. Y esaki mientras ta pidi trahadornan entrega pasobra e situacion na Aruba ta hopi delicado.

Ta pinta e e trahadornan di e compania estatal y ambtenaren como abusadornan (sinberguensa) cu ta gana hopi placa y no ta "care" pa otro nan.

Con por justifica e deroche di placa aki djis pa haya control di e maneho diario operacional di e compania. Ta paga asina hopi placa pa kita e directornan di nan posicion pa asina Utility/RDA mes por negosha cu Eagle LNG e

contract cu ta combini otronan cu no ta WEB Aruba NV y su donjo cu ta pueblo di Aruba?

Pueblo corda cu a nos ta donjo di tur locual ta di pais Aruba. No ta e politiconan, ni nan amigonan cu nan nombra pa sirbi nan interes personal (nepotismo). Ta pueblo ta donjo di WEB, Elmar, RDA, Setar, Serlimar, RWZI, ATA y tur nan assets (propiedad y placa).

MEP y RAIZ ta sigui cu e maneho di nepotismo cu pueblo kier a para. Durante eleccion a grita cambio y nos ta diferente pero despues di eleccion nos ta ripara cu nada a cambia. "Nos no ta nan" a bira nos cu nan pa nos mes ! Pueblo por sigui sufri.

Accidente frontal cu hende herida na crusada J.G. Emanstraat cu van Leeuwenhoekstraat.



Diadomingo marduga a drenta informe di un accidente cu hende herida na e crusada van Leeuwen-

hoekstraat cu J.G. Emanstraat, mesora a dirigi tanto polis como ambulans na e sitio. Na yegada

di e patruya a bin compromete cu aki ta trata di un accidente unda un pickup binigndo velocidad halto den J.G. Emanstraat a bay subi van Leeuwenhoekstraat. E velocidad cual e pickup tabata bini tabata asina duro causando cu esaki a slip bay dal frontal riba un Toyota Tercel cu tabata bayendo pabao den van Leeuwenhoekstraat. E impacto tabata basta fuerte y a causa cu e dama chauffeur di e Tercel a resulta herida. Ambulans a presenta na e sitio y a atende cu e herido.



SERVICIO Y COMPRA

TA HUUR CONDOMINIUM/ SE ALQUILA CONDOMINIO BONITO Y RECIEN RENOVADO EN CUNUCO

- 2 kamber cu queensize bed, cu aircó inverter split unit, un baño.
- sala cu smart tv y aircó
- Cushina cu Mini fridge 3/4 height, Electric stove y microwave. Afl. 1500.00
Prepaid meter via Elmar, at all gas station - Water coneccion

Pa info: 7390101



Ta buska cas pa huur

Call 5645064

Ta buska cas pa compra



Maduro Heavy Equipment N.V. Nos tin servicio di BOBCAT

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diarazon

Rooi Bosal 49

Tel: 5851708/5943207/5931608



CLASIFICADO

e-mial: solodipueblo@gmail.com

Cel.585 9500



OBITUARIO



Publica serka nos anuncio di fayecimento di bo ser kerí.
Nos tin 2 pakete pa ofrece

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina
na 585-9500 of na 741-4554 puntra pa
Jamilia Henriquez

Abona na



**A BO NO MESTER SALI
DI CAS**

Yama **5859500** of
e-mail nos na
solodipueblo@gmail.com

Tur marduga nos ta entregé
den bo porta di cas!

Noticia cayente, ta aki bo ta
haye!

PRONOSTICO DI TEMPO VALIDO TE DIAMARS 03 DI
AUGUSTUS 2021, 18:00 ORA.

ELABORA DIALUNA 02 DI AUGUSTUS 2021 17:00 (21:00
UTC)

TEMPO:

AWE ANOCHI: LEVEMENTE TE PARCIALMENTE
NUBLA Y GENERALMENTE SECO
DEN MARDUGA I MAYAN: PARCIALMENTE NUBLA CU
UN AWACERO PASAJERO
TE BREVE

TEMPERATURA MAXIMO 33 GRADO CELSIUS
TEMPERATURA MINIMO 28 GRADO CELSIUS

BAHADA DI SOLO : 7:05 PM
SUBIDA DI SOLO : 6:26 AM.

BIENTO:

MODERA TE BASTA FUERTE FOR DI DIRECCIONAN
ENTRE

OOST Y OOST- ZUIDOOST;

FORSA 4 TE 5 (20 TE 39 KM/ORA, 11 TE 21 NUDO).

DEN DIA FUERTE TE DURO DEN RAFAGA;

FORSA 6 TE 7 (40 TE 61 KM/ORA, 22 TE 33 NUDO)

SITUACION GENERAL DI TEMPO PA PROXIMO 24 ORA:
UN OLA TROPICAL LO DRENTA PARTI OOST DI CARIBE
AWE NOCHI LAAT Y LO TRECE HUMEDAD DEN RE-
GION

LOCAL DURANTE PROXIMO 24 ORA. DEBI NA ESAKI
TEMPORALMENTE MAS NUBIA LO BAI PASA RIBA
REGION LOCAL CU ESPECIALMENTE DEN ORANAN
DI MARDUGA I MAINTA UN AWACERO PASAJERO
TE BREVE.

CONDICIONAN MARITIMO/ ESTADO DI LAMA:
UN ESTADO DI LAMA LEVE NA PARTINAN PROTEJE, Y
MODERA

NA PARTINAN ZUID TA WORDO SPERA DEN PROXIMO
24 ORA.

NA PARTI OOST TE NOORDWEST LAMA LO TA GENER-
ALMENTE

MODERA CU OLANAN ENTRE 4 PA 6, LOCALMENTE 7
PIA.

AVISO/ ALERTA:

UN AVISO PA BOTO CHIKITO PA E PARTINAN OOST TE
NOORDWEST

Y LAMA HABRI TA NA VIGOR TE MAYAN MAINTA 6'OR.
NA E

OPERADORNAN DI BOTO CHIKITO TA WORDU SUGERI
PA SIGUI BAI

CU CAUTELA YA CU E BIEN TO RELATIVAMENTE DURO
LO POR CAUSA

LAMA LOCALMENTE POCO BRUTO.

FENOMENONAN SPECIAL:

NINGUN

TEMPO TROPICAL SIGNIFICANTE:

NINGUN

POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS)
Y

AWACERO (MM) DEN ULTIMO 24 ORA (8'AM PA 8'AM):

AIRPORT : MAX 33 / MIN 27 / 0.0 MM
WESTPUNT: MAX 33 / MIN 28 / 0.0 MM
STA ROSA: MAX 33 / MIN 28 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO PASAJERO
TE BREVE.

BIENTO LO TA FOR DI DIRECCION OOST I MODERA TE
BASTA FUERTE; FUERTE TE DURO DEN RAFAGA;

TEMPERATURA (GRADO CELSIUS) MAX / MIN LO TA:
33 / 28

PROME 6 LUNA DI AÑA 2021 TIN 49 KEHO ENTREGA DI ABUSO SEXUAL



Informacion cu SOLO DI PUEBLO a confirma cu Ministerio Publico ta bisa cu e prime 6 luna di aña tin masha hopi keho cu a wordo entrega riba e delito di zeden delict, o sea abuso sexual of acoso sexual.

Nos ta mira cu e cifranan aki ta subiendo, indicando cu mas hende ta kibra cu miedo y ta acudi pa denuncia nan violador sexual.

Esaki no ta solamente mucha menor di edad, pero por tambe hende muher mayor di edad cu na dado momento a wordo viola sexualmente dor di nan agresor, o sea contra nan boluntad.

Kisas no solamente muher, pero por ta hende homber tambe cu ta sinti cu nan a wordo viola den un relacion homosexual.

Informacion no confirma pa Ministerio Publico, pero di cual SOLO DI PUEBLO tin conocimiento di dje, tin un caso unda cu un homber mayor di edad, edad hoben, a entrega keho contra su agresor sexual, di cual e ta bisa cu el'a wordo viola, sin duna consentimiento. E caso aki por bira un sorpresa grandi pa comunidad, ora e caso cuminsa cana.

Tambe nos por nota cu den prome mitad aña, tabatin como 8 pa 10 persona deteni pa asuntonan di pedofilia, esta hendenan mayor di edad cu ta tene relacion sexual cu mucha muher, den e edad prohibi pa ley, esta bao di 16 aña.

Den e categoria aki tin masha hopi hende

homer cera na Kia, enespera di nan caso.

E castigo pa comete un violacion sexual of abuso sexual di mucha, a subi dia 20 di Juni 2020 for di 8 aña te cu 15 aña. Bao coalicion di MEP esaki ta wordo aumenta, pues awor tin mas castigo pa abusa-dornan sexual.

E castigo aki, ta den concordancia cu Hulanda, Sint Maarten, y Curacao.

Tambe a mehora henter e cadena di servicio, unda awor tin mihor rapport medico como tambe mihor rapport policial. Cu esaki huez tin tur tools den su man, pa baha castigonan mas pisa, ora cu keda constata y proba cu un homber a abusa di un mucha.

Finalmente nos mester bisa cu mayoria di e casonan di abuso di mucho ta tuma lugar den circulo familiar. Por ta un omo, un ruman, un tata of un welo. Pesey mes ta sumamente importante pa tur mama, habri wowo y keda monitoreo y mas principal ta keda spot checks si encaso bo egt mester laga e mucha serca un hende homber.

No tin nada mas doloroso cu un situacion asina, pues e mihor remedi ta prevencion. E ta den nos man pa haci tur lo posibel pa evita cu cualke mucha pasa den un situacion asina y lo mester keda biba cu e cicatrís ey pa años.



Lotto Merdia
AUG 2

Lotto Merdia
AUG 1

CATACHI
Sorteo # 3283
0925
0858
4843
BIG 4
Sorteo 3283
2093
OFF
Sorteo # 1339
7426
ZODIAS
Sorteo # 3283
6141
Virgo
LUCKY 3
Sorteo # 157
995
MULTI-X
X2

LOTTO 5	Joker	Letter
Sorteo #	Proximo Jackpot	
0 x Jackpot	500.000,-	
0 x Match 4+		
0 x Match 4		
0 x Afl. 12,00		
LOTTO DI DIA	Proximo Jackpot	
Sorteo #	50.000,-	
0 x Jackpot		
0 x Match 4		
0 x Afl. 8,00		
MEGA	Mega Ball	Proximo Jackpot
Sorteo #	330.000,-	
0 x match 4		
0 x Afl. 500,00		
0 x Afl. 50,00		
0 x Afl. 15,00		
MEGA	Afl. 430.000,-	
MEGA PLUS		
KORSOU	QR Code	
Sorteo #		

CATACHI
Sorteo # 3282
1628
4318
8740
BIG 4
Sorteo 3282
9440
OFF
Sorteo # 1338
8872
ZODIAS
Sorteo # 3282
4496
Aquario
LUCKY 3
Sorteo # 156
009
MULTI-X
2x

LOTTO 5	Joker	Letter
Sorteo #	Proximo Jackpot	
0 x Jackpot	500.000,-	
0 x Match 4+		
0 x Match 4		
0 x Afl. 12,00		
LOTTO DI DIA	05-08-21-25-29	
Sorteo # 5488	Proximo Jackpot	
1 x Jackpot	50.000,-	
6 x Match 4		
96 x Afl. 8,00		
MEGA	Mega Ball	Proximo Jackpot
Sorteo #	320.000,-	
0 x Jackpot		
0 x match 4		
0 x Afl. 500,00		
0 x Afl. 50,00		
0 x Afl. 15,00		
MEGA	Afl. 420.000,-	
MEGA PLUS		
KORSOU	QR Code	
Sorteo #		

HOTLINE

SOLO Di Pueblo

744-0444

CAPT'E Y MAND'E

SCEPTIC TANK (7 CUBE)

PRIJS SPECIAL AWG 75,-

YAMANOS NA: 560 3500 OF 563 4201

AK

GARDEN & MAINTENANCE SERVICES
ARUBA

Sushi di cura?

Nos ta tir'e afo

AWG 50

OFERTA GRATIS OF RESERVACION
+297 7460815
AKGARDENARUBA@GMAIL.COM

BAN TENE ARUBA LIMPI

Alarma a wordo bati pa apartment na candela cerca di Hospitaal



Caya Dr. J.E.M. Arends Eagle - Diahuebs atardi polis a haya informacion cu na un apartment complex panort di Hospitaal lo ta na candela.

Mesora varios unidad policial y tambe brandweer a bay e luga yama August Eagle Lifestyle Suites.

Na e sitio por a mira

bomberonan a saca un corchon cu tawata parcialmente kima, un indicacion cu eynan of unda e tawata candela a cuminsa.

Segun informacion, algo cerca of ariba e cama a haya un kortsluiting causando e candela.

Intervencion rapido di brandweer a pone cu e daño a keda limita.

TA BENDE

un “shuttle bus”, bon pa food truck o cualkier otro uso

Pa informacion: 7390101



Yama nos y traha cita pa controla bo pecho nan .



Hende muher nan entre 45 cu 75 aña di edad.
Haci bo mamogram cada 2 aña.

Stichting BOB Aruba a muda
Adres : Caya dr. JEM Arends 17

Telefon: 588-1212 WhatsApps: 594-5020

Nos ta traha solamente cu cita confirma.
Servicio gratis cu carchi AZV

Deteccion na tempo por salba bo bida !

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

Dienstregeling artsen Pariba Di Brug

AUGUSTUS 2021

Dr. Boderie, E	Dr. Ramautar, K
Dr. de Cuba, M	Dr. Veringa, E
Dr. Every, B	Dr. Vis, S
Dr. Giel, D	Dr. Wever, M
Dr. Linden v/d, J	Dr. Winterdal, N

MA 02	BODERIE	MA 23	RAMAUTAR
DI 03	DE CUBA	DI 24	VERINGA
WO 04	EVERY	WO 25	VIS
DO 05	GIEL	DO 26	WEVER
VR 06	LINDEN V/D	VR 27	WINTERDAL
MA 09	BODERIE	MA 30	BODERIE
DI 10	VERINGA	DI 31	DE CUBA
WO 11	VIS		
DO 12	WEVER		
VR 13	WINTERDAL		
MA 16	BODERIE		
DI 17	DE CUBA		
WO 18	EVERY		
DO 19	GIEL		
VR 20	LINDEN V/D		

WEEKENDDIENST

07 – 08 AUGUSTUS	*	WINTERDAL
14 – 15 AUGUSTUS	*	DE CUBA
21 – 22 AUGUSTUS	*	EVERY
28 – 29 AUGUSTUS	*	GIEL



Oracion di dia

Un feliz siman yena di bendicion colma cu hopi gracia, amor y paz di Señor

"Nan no tin mester di bay; boso duna nan algo di come!" Mt 14, 16

Hesus, den e Evangelio di awe, ta invita nos e.o pa tuma control di nos bida y yuda otronan den necesidad. Durante di e pandemia di COVID 19, tabata di lamenta cu algun di nos ciudadanonan no a sinti nan mes responsabel pa loke ta(bata) pasa den nos comunidad di Aruba y pa yuda busca e bon di tur. Nos por a mira hopi imprudencia den comportacion. Esaki no ta un critica, pero nos mester compronde e palabranan di Hesus cu ta pidi awe pa nos yuda sacia e hamber di nos rumannan. Nos tur tin hopi cu nos por duna pa kita e hamber di nos rumannan, pero ta haci falta di e compromiso.

Oracion: Señor, nos ta yama Bo danki pa Bo presencia meymey di nos durante e Pandemia y pa a manda nos Bo yudansa pa medio di Bo yiunan cu ta sirbi Bo cu hopi amor y fieldad. Keda cu nos Señor! Tur esaki nos ta pidi Bo den number di Hesucristo Bo Yiu y nos Señor.
Amen.

Botica na Warda Augustus 3, 2021

- P'abou di brug:
- Botica St. Cruz
- P'ariba di brug:
- Botica 4 Centro Medico



Mujer de Nevada establece récord mundial luego de aplastar tres patillas en 7,5 segundos

Kortney Olson, nativa del condado de Humboldt, en Nevada, y maestra en triturar sandías, rompió un récord mundial por sus habilidades únicas para triturar frutas el viernes.

Olson, el fundador de la línea de ropa deportiva GRRRL Clothing y graduado de la Academia St. Bernard, casi redujo a la mitad el récord anterior al triturar tres sandías en solo 7.5 segundos.

Olson combinó el esfuerzo récord mundial con la apertura de su tienda en Las Vegas.

“Decidí en correlación con la apertura de nuestra tienda porque es un espacio comunitario y realmente queremos comenzar a utilizar el espacio para enseñar cosas, para compartir esta historia de triturar sandías con niñas más jóvenes”, dijo Olson al Times-Standard el domingo por la tarde. Olson no solo rompió el récord de 14,65 segundos publicado por la mujer fuerte ucraniana Olga Liashchuk hace unos años, sino que también superó el tiempo publicado por el iraní Rohollah Doshmanziari en 2017 de 10,88 segundos, según información en el sitio web Guinness World Records.

Olson dijo que sabía que era capaz de batir el récord mundial porque había hecho la hazaña en 11,36 segundos anteriormente, pero no fue en las condiciones que permitieron que el récord fuera oficializado por Guinness World Records.

“Tienes que tener dos declaraciones juradas de testigos, tienes que usar dos cronómetros oficiales que estén dentro de una décima de segundo, y luego tomas el promedio de tus dos cronometradores”, dijo. “Pasas por un proceso de solicitud bastante extenso y luego avanzas desde allí”.

Dijo que nadie de Guinness estuvo presente la semana pasada para el



evento debido a la pandemia de coronavirus en curso.

Olson dijo que la apertura de su tienda en Las Vegas tiene como objetivo promover el empoderamiento de las mujeres. Su tienda ofrece una gama de la línea de ropa GRRRL, así como la oportunidad para que las mujeres se prueben la ropa deportiva.

“Las mujeres pueden probarse las cosas y luego ponerse en cucullas. O coge una pesa rusa y aprende a hacer peso muerto”, dijo Olson. “Así que realmente se trata de probar la ropa en acción”. También dijo que su línea de ropa se trata de construir una comunidad de mujeres.

“La hermandad ... es por eso que usamos esta ropa, para que podamos identificarnos y saber que no somos la competencia de los demás”, agregó. “Entonces, si te veo en la calle con calzas GRRRL, sabría en un instante que eres

mi hermana, sin importar si eres católica y yo soy un satanista, dejamos eso (cosas) a un lado y nos conectamos, y encontramos la manera de seguir adelante porque creemos que por eso nos reprimieron”.

También dijo que da una clase sobre cómo romper sandías.

“Tengo un curso de trituración de sandía de ocho semanas que acabo de filmar en realidad virtual”, dijo, señalando que está en su sitio web. “Y debido a que el día nacional de la sandía es el 3 de agosto, mi objetivo es lograr que la mayor cantidad de mujeres y niñas comiencen este programa porque está diseñado para hacerse en casa. ... Hay una parte que trata sobre cómo elegir una sandía, la técnica para apretar, la visualización, la comprensión de las creencias, las creencias sociales de que las mujeres son el sexo más débil. ... Mi visión es ver a un

montón de mujeres el 3 de agosto en el Día Nacional de la Sandía aplastando unas sandías”.

A principios de este año, Olson publicó un libro titulado apropiadamente “Crushing It: How I Crushing Diet Culture, Addiction & the Patriarchy”.

Guinness no respondió a una pregunta sobre el estado del récord mundial antes de la fecha límite de publicación

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



"DUDAS"

Pakiko bo ta duda di mi existencia
 jen di miedo i temor ta temozabo
 cuanto biaha mi no a pidi bo confia
 den mi i asina dunabo tur mi apoyo.
 Cuanto biaha bo a lubida cu ami tey
 pa consola bo curason jen di tristesa
 ora ta orando ami ta sinta mey mey
 scuchando bo bos pidiendo judansa.
 Tin biaha mi ta mirabo tur disgusta
 ni sikiera un bon dia bo ni a dunami
 pa bo tur cos a bai malo i aki duda
 a drenta bo curason sin consultami.
 Mi yiu stima corda cu ami ta Amor
 mi Paz mi yiu homber a entrega
 pa kita tur tristesa, miedo i dolor
 creando speransa pa sigui truinfra.
 Nunca duda den mi promesanan
 rikesa i banidad no ta pa eternidad
 si bo sigui confia den mi palabranan
 tur bo sonjonan mi lo haci realidad.

" PALABRA DI DIOS."


Duda ta un obstaculo pa ricibi respuesta
 di nos TATA CELESTIAL.

Mateo 14:31 / Exodo 32:1

Autor: Omaira I.Rodriguez-Britten

“Señor ta mi wardador, mi'n tin falta di nada
 Den cunucu di yerba berde e ta ponemi sosega.
 E ta hibami na awa trankil,
 Pa mi bolbe haña forsa”.
 Salmo: 23

Nos ta anuncia fayecimento di:



Julian D. Tromp

Mihor conoci como “Donny”
 *17-02-1936 - †30-07-2021

Acto di entierro lo wordo anuncia despues.

Gradicimento y Invitacion

Pa medio di esaki nos ta yama masha masha danki na famia,
 amistadnan, bisiña y conocirnan cu di un of otro manera a
 duna nos sosten y atencion durante entierro di nos dushi mama,
 wela, bisawela, tatarawela y tanta:

Johanita Croes-Ras

(Machi)
 Viuda di Pedro Croes



Tambe un gradicimento en particular na Wit Gele Kruis y na tur persona
 cu a hasi donacion na Wit Gele Kruis. Sin lubida un danki special na Ran-
 dall Croes cu su bunita cancionnan y na Aurora Funeral Home pa nan bon
 servicio.

Nos ta invita famia, amistadnan, conocirnan pa asisti na santo sacrificio
 di mis ana honor di nos dushi mama; diamars 3 di augustus, diahuebs 5 di
 augustus y diasabra 7 di augustus na misa Santa Filomena na paradera pa
 7'or di anochi. Despues di misa lo resa un rosario na machi su cas.

Na nomber di su yiunan, nieto(a)-, bisanieto(a)nan

Mensahe di La Birgen di Gracia di Aruba

Mei 18, 2021 – 4.10 A.M. Koyari, Aruba

Un bendicion cu ta bin di profundo di Mi curason.

Mi yiunan a ripara con liher e dianan ta bayendo? Asina liher tambe bosonan cu no ta Catolico, mester dicidi pa comberti y pa drenta den Iglesia Catolico di Mi Yiu Hesus. Mi sa cu bida ta duro, pero sigi lucha den boso bida pa boso tin e victoria y salvacion.

Contra cu boso Rosario ta e arma pa caba cu satanas. Contra cu satanas ta sabi, pero boso tin di bira mas sabi den e palabranan di Mi Yiu Hesus.

Laga Mi splica boso tocante morto. Tin morto natural cu nan dia a yega pa muri y tin mortonan ranca cu nan dia di muri no a yega y hopi di e almanan aki ta bay perdi of e al-

manan ta bai den purgatorio. Mortonan door di accidente, crimen y suicidio, cu no ta nan dia di muri, mortonan cu no tin famianan pa resa pa nan y morto cu nan mes ta pensa di caba cu nan mesun bida. Esey ta un tristesa hopi grandi. E dolor ta keda pa henter e famia y cono-cirnan. Tin otro cu si ta drenta cielo directo y bunita y otronan ta drenta fierno, pasobra fierno ta existi.

Ta existi e tres partinan na unda e almanan ta bay: Gloria, Purgatorio y Fierno. Mester resa hopi tur dia pa e almanan den purgatorio y tambe pa e almanan ranca cu ta dwaal riba mundo sin destino. Mester haci hopi Santo Sacrificio di Misa, nobena y hopi penitencia pa

yuda e almanan aki drenta cu amor den cielo.

Desesperacion ta pone hendenan tuma decisionnan robes, cu no ta bon den bista di Mi Yiu Hesus. Laga boso fe y amor ta e baranca firme, pensa prome cu boso haci danjo na boso curpa. Biba un bida Cristian pa boso hanja gracianan y pa boso bay bunita den cielo.

Nunca no ta laat pa cambia boso bida pa Mi Yiu Hesus, esaki ta boso oportunidad pa e Gloria cu ta spera boso. Laga boso alma keda na pas y cu amor, boso curason mester ta bunita y humilde tur ora, maske cu tin tanto dolornan rond di boso, pero boso mester entrega tur boso preocupacionnan na Mi Yiu Hesus.

Solo ta sali y solo ta baha, esey kiermeen no tarda pa comberti. Mi brasanan ta habri, pa ricibi boso tur un dia cerca Mi den Cielo. Aya den Reino di Cielo tin alegria y Mi ta seca tur boso lagrimanan.

Tene hopi pasenshi y fe, nunca no faya den e amor tan grandi di Mi Yiu Hesus. No perde e tesoro asina grandi cu ta e Fe den boso curason, pasobra Mi Yiu Hesus por haci tur milagernan y E ta Todopoderoso.

Danki pa scucha Mi mensahe. Dia 20 Mei, Mi tin mas mensa-henan pa trece pa spierta boso.

Di boso Mama, La Birgen di Gracia di Aruba, cu ta stima boso pa semper.
Amen.

Special wholesale prices - precio especial de mayorista

Atencion SuperMercado, tur snack truck y take away restaurants..

Take away boxes resistente;

8 x 8 - 3 compartimiento - afl 80.00 (200x) / cumpra 10 haya 1 free

9 x 9 - 3 compartimiento - afl 90.00 (200x) / cumpra 10 haya 1 free

6 x 6 - hamburger/ frenchfries afl. 135.00 (500x)

9 x 6 - snackbox/ hotdog / salads afl 95.00 (250x)

Entrega gratis

Credito 30 dia na clientenan aproba

Pa pedido;

wsp 744-0444 / 739-0101

Agem Outlet Wholesales





			1		
3		6	2		
		4			5
5			3		
		5	4		6
		3			

5				4	
		3	5		
		4			5
6			4		
		5	3		
	1				

Sopi di Letranan

F	R	M	D	R	H	U	S	I	L	L	O	R	I	T	E	U
P	C	Y	E	I	X	O	I	D	Ñ	I	G	B	A	M	Q	C
H	N	Y	N	C	F	G	F	E	D	Z	Q	S	E	H	J	O
N	L	P	W	O	A	C	E	V	R	F	X	I	L	Y	I	C
O	B	B	C	Y	I	N	O	J	W	U	E	M	O	K	F	A
Ñ	R	U	E	D	A	C	I	M	A	G	Ñ	P	P	K	V	R
I	Q	H	B	C	A	L	C	C	P	N	B	L	W	W	R	G
P	X	T	Ñ	D	F	D	T	E	A	U	A	E	R	E	E	A
I	B	D	V	G	O	P	R	M	R	R	E	R	D	O	C	L
Ñ	C	O	W	T	Y	Q	E	E	E	I	P	S	G	Y	T	I
L	O	Z	K	A	U	T	O	L	U	X	D	B	T	N	O	V
D	N	I	F	J	S	Q	L	S	N	C	M	P	Y	A	E	O
C	I	E	Ñ	I	H	A	Z	Y	D	F	U	E	R	Z	A	M
H	C	E	S	F	M	H	F	V	E	N	T	A	J	A	T	U
L	O	U	L	E	E	E	A	I	O	Z	D	E	E	T	A	M
Q	L	L	R	N	A	L	J	Z	Y	G	J	R	V	J	X	Q
Z	Y	C	R	P	Z	H	S	O	B	O	N	I	T	A	E	U

- CARGA
- COMPUESTA
- CONICO
- CREMALLERA
- CUERDA
- DIRECCION
- EJE
- ENGRANAJE
- FIJA
- FUERZA
- HUSILLO
- MECANICA
- MOVIL
- PIÑON
- POLEA
- RECTO
- RUEDA
- SIMPLE
- SISTEMA
- VENTAJA

